

DEDICATIO.

gnitionem capiendum attulisse, magnum
deniq; ad prudentem officiorum admini-
strationem sibi præsidium comparasse vi-
tatur.

Quod enim Plato in Phædro disserit
animas quasdam ex communi quasi sorte
exemptas alis esse instruētas quibus in cœ-
lum usq; evolent ad capiendum omnium
rerum cognitionem: id verissime de inge-
niis excellentibus Logica & Arithmeticā
arte informatis intelligi arbitramur. Hæ
namq; duæ artes tanquam alæ humano
ingenio sunt affixæ, quarum ope & mīni-
sterio homo non solum præsentium cogni-
tionem assequi, sed etiam absentium, invi-
sibilium, inīo cœlestium rerum naturas
contemplari & investigare potest. Nam ut
nihil nunc dicam de Logica, de qua aliud
erit dicendi locus vel sola Arithmeticā e-
videntissimum huius rei perhibet testi-
monium.

Primo enim numerorum tractatione
nitescit animus præparaturq; ad reliquos
doctrinæ fatus accipiendos: & felicissima
iudicantur ingenia, quæ hanc numerorum
doctrinam facile arripiunt. Sed longe u-
beriora maioraq; sunt illa quæ efficit hæc
ars in studiis aliarum disciplinarū, & pru-
denti